



12. august 2011
3. januar 2010

UKA 2011/28
UPA 2011/67

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matu-muuna saqqummiupparput:

Danmarkimi kalaallit, Kalaallit Nunaanni nappaataasa peqqissarneqarsinnaannginnerat peqqutigalugu Brønshøjimi Rigshospitalimilu peqqissarlutik unginngasut kalaaliminernik nerisqartarnissaat qulakkeerniarlugu ukiumut 200.000 kr-ninik nunatta karsianiit aningaasnik immikkoortitsisalernissaq pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasorta, Doris Jakobsen Siumut)

Tunngavilersuut:

2009-mi november qaammat Lars-Emil Johansen-imut Folketingimi paarlattaaninni Danmarkimi kalaallit peqqissartut uninngaviat Brønshøjimiittoq Rigshospitaalilu pulaarpakka.

Taakkunani pulaakkanni kalaallit peqqissartut sulisuilu tamaasa naapippakka ataatsimeeqatigalugillu.

Kalaallit uninngasut ilarpassui kræfteqarlutik allatulluunniit nappaateqarlutik uninngapput, ilaat sivisuumik ilaqquttatik qimallugit Danmarkimiittarlutik.

Ingerlatsivinni taakkunani kalaallit uninngasut aammalu sulisut tamarmik naqissuserpaat, peqqissartut peqqissilluarnissaannut kalaaliminernik nerisarnissaq annertoorujussuarmik isumaqartoq. Kisianni pissutsit ullumikkut taamaatsillugit, kalaallit peqqissartut taamaallaat qaammammut annikitsunnguanik kalaaliminertorsinnaasarput, kalaaliminernik nunatsinniik imaluunniit Danmarkimi pisinissamut akissaqannginneq tunngavigalugu. Taakkununnga taarsiullugit qallunaat nerisassaat kalaaliminerpalussarlugit sassaalliutigineqartarput.

Nunagisaq qimallugu, ilaqquttat qimallugit inuttut oqimaattorsiornermi kalaaliminernik nerisarneq peqqissartunut pingaarutilerujussuummat, siunnersuutigaara kalaaliminersiuutissanik nunattalu ernganik pisissutissanik 200.000kr-ninik nunatta karsianit ukiumut immikkoortitsisoqartalissasoq.

Tamanna piviusunngortinneqarpat qularutiginnngilluinnarpara, nunarput qimallugu kalaallinut uninngasunut anneroorujussuarmik iluaqutaajumaartoq.

Siunnersuutip aningaasatigut kingunissai

Siunnersuutip akuerineqaneratigut nunatta karsiata aningaasatigut minnerpaamik ukiumut kr. 200.000-inik aningaasartuuteqartalissaaq. Taassuma saniatigut inuiaqatigiinnut sutigut aningaasartuutitinnit sunniuteqassanngilaq.

Siunnersuutip akuerineqarnerani inuiaqatigiinnut allaffissornikkut annertunerusumik sunniuteqar-
navianngilaq ukiumoortumik Aningaasanut inatsimmi qulakkeerneqaannartussaammat ikkusimatin-
neqarnissaa.